

## UGOVOR O NABAVCI USLUGA

*izrade elaborata „ Distribucija robnih rezervi u slučaju nastanka vanrednih okolnosti“*

Zaključen između:

**1. DIREKCIJA ZA ROBNE REZERVE KANTONA SARAJEVO**, sa sjedištem u Alipašina bb Sarajevo, ID broj: 4200173840008 , koju zastupa Jelena Pekić, mag.oec., direktorica (u daljem tekstu: Naručilac) koju po ovlaštenju zastupa Emir Jesenković, i

**2. INSTITUT ZA SAOBRAĆAJ I KOMUNIKACIJE d.o.o. Sarajevo**, sa sjedištem u Zmaja od Bosne br. 7 Sarajevo, ID broj: 4200766310005 , kojeg zastupa Šefkija Čekić, direktor (u daljem tekstu: Izvršilac).

Na osnovu provedenog postupka Konkurentskog zahtjeva za dostavu ponuda za javnu nabavku usluga broj predmeta: 02-25-643/20 od 06.10.2020. godine i ponude Izvršioca br: 02-25-643-16/20 od 05.11.2020. godine, ugovorne strane su se sporazumjele o sledećem:

### **Predmet ugovora**

#### **Član 1.**

Predmet ovog ugovora je pružanje usluge izrade elaborata distribucija robnih rezervi u slučaju nastanka vanrednih okolnosti:

- rata i neposredne ratne opasnosti,
- prirodne nepogode i druge vanredne prilike,
- intervencija na tržištu.

#### **Član 2.**

Izvršilac se obavezuje da će usluge navedene u članu 1. ovog Ugovora, izvršiti u svemu prema tenderskoj dokumentaciji, projektnom zadatku i prihvaćenoj ponudi br: 02-25-643-16/20 od 05.11.2020 godine koje čine sastavni dio Ugovora.

### **Cijena i način plaćanja**

#### **Član 3.**

Ugovorne strane su saglasne da cijena ugovora za usluge izrade elaborata „ Distribucija robnih rezervi u slučaju nastanka vanrednih okolnosti“ iznosi **12.753,00 KM**, sa uračunatim PDV-om (slovima: dvanaest hiljadasedamstotinapedesettri KM).

Ugovorne strane su saglasne da će Naručilac za predmetnu uslugu platiti Izvršiocu po ispostavljenoj fakturi na transakcijski račun Izvršioca u roku od 30 dana od dana izdavanja fakture.

## **Rokovi i ugovorna kazna**

### **Član 4.**

Ugovor se zaključuje na određeno vrijeme, a Izvršilac se obavezuje da će usluge izrade elaborata „ Distribucija robnih rezervi u slučaju nastanka vanrednih okolnosti“ navedene u ovom Ugovoru izvršiti u roku od 40 kalendarskih dana od dana stupanja ugovora na snagu.

Ukoliko Izvršilac svojom krivicom prekorači ugovoreni rok izvršenja obaveze dužan je platiti Naručiocu penale u visini od 1% od ugovorene cijene za svaki dan zakašnjenja, s tim da ukupni iznos penala ne može preći 10 % od ugovorene cijene.

Osim prava na isplatu penala Naručilac ima pravo zahtjevati i naknadu štete od Izvršioca ukoliko je istu pretrpio zbog toga što Izvršilac nije predmetnu obavezu izvršio u predviđenom roku.

## **Nadzor**

### **Član 5.**

Naručilac će vršiti nadzor nad realizacijom ovog Ugovora u pogledu blagovremenosti, kvaliteta i kvantiteta predmeta ovog Ugovora.

Ukoliko se utvrde nedostaci prilikom realizacije ovog ugovora, Izvršilac je dužan da odmah preduzme sve potrebne radnje kako bi se utvrđeni nedostaci otklonili.

## **Povjerljive informacije**

### **Član 6.**

Ugovorne strane su saglasne da svi aspekti sadržaja ovog ugovora, u toku izvršavanja ovog ugovora i nakon prestanka istog, budu tretirani kao povjerljivi i da ni jedna informacija u vezi sa sadržajem Ugovora neće biti otkrivena bez prethodne pismene saglasnosti obje ugovorne strane, osim ukoliko je to potrebno za realizaciju Ugovora i informisanje korisnika.

## **Viša sila**

### **Član 7.**

Ako slučaj više sile potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više

sile, o vrsti i o eventualnom trajanju više sile pismeno obavijesti drugu ugovornu stranu u roku od 8 dana od nastanka više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dejstvo ugovorene strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 15 dana, ugovorne strane će se sporazumjeti o daljnjoj sudbini ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

Ukoliko nastupe okolnosti više sile koje dovedu do ometanja ili onemogućavanja izvršenja obaveza iz ovog Ugovora, obaveze ugovornih strana miruju dok viša sila traje i nijedna ugovorna strana nema pravo na bilo kakvu naknadu zbog neizvršenja obaveze druge strane po ovom osnovu.

## **Stupanje ugovora na snagu**

### **Član 8.**

Naručilac sa Dobavljačem zaključuje ugovor za nabavku usluga izrade elaborata "Distribucija robnih rezervi u slučaju nastanka vanrednih okolnosti" na osnovu izvornih uvjeta iz tenderske dokumentacije Naručioca i ponude Dobavljača. Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toga roka.

## **Primjena zakona o obligacionim odnosima**

### **Član 9.**

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

## **Rješavanje sporova**

### **Član 10.**

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

## **Ostale odredbe**

### **Član 11.**

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### **Član 12.**

Izmjene i dopune ovog ugovora mogu se vršiti samo pismenim putem. Bit će punovažne i obavezivat će ugovorne strane samo one izmjene i dopune koje su sačinili sporazumno u pismenoj formi.

### **Član 13.**

Ovaj ugovor je sačinjen u 4 istovjetna primjerka od kojih svaka ugovorna strana zadržava po 2 primjerka.

**Član 14.**

Ugovor stupa na snagu danom potpisivanja od strane Dobavljača i Naručioca.

Za i u ime Ugovornog organa  
Direkcija za robne rezerve Kantona  
Sarajevo

Po ovlaštenju

Direktorice:



Broj: 02-25-643-23/20

Datum: 18.11.2020. godine

Za i u ime (Institut za saobraćaj i  
komunikacije d.o.o Sarajevo)



(ovlašteni predstavnik)

Šefkija Čekić, direktor

Broj: 01-653/20

Datum: 18.11.2020. godine



*[Handwritten signature]*